

2. Dearvvahus duoddaris!

... Stuorra ja unna áššit ...

Dearvvahus dáppe duoddaris!

Go gavccun duoddara ala, de measta šiedđaluvan,
go ferte johttit vuostálahkii.
Go boadán vulos duoddaris,
ferte geahččat dárkilit, gosa lávke,
ahte ii guosa ja ranggit veallut.

Duoddarat leat alibut go luohkkát ja várit.
Duoddarat leat nu allagat, ahte daid aláziin eai šatta muorat.
Muorat dárbbášit biekkahis dahjege suojes ja lieggasut šaddanbáikkiid.
Duoddaris šaddet dušše vuollegaš dakņasat dego čáhpesmuorjijt.
Duoddarat leat juvvii
ja daid vilttiin ja geđggiid alde šaddet earálágan jeahkálat

Duoddaris ásan maiddái mun.
Mu namma lea Elska-gufihtar,
ja go ásan Ukselmaoaivi-duoddaris,
lean Ukselmaoaivvi Elska.

Ukselmaoaivi lea dáppe Urho Kekkonen álbmotmeahcis.
Diedáthan mii lea álbmotmeahci lea?
Álbmotmeahcis suodjalit luonddu.
Álbmotmeahcci lea dakkár báiki,
gos luondu oazžu leat luonddudilis,
iige dan oaččo rievdadit.
Ealliide álbmotmeahcci lea buorre ássanbáiki.
Álbmotmeahcis sáhtta bures vánddardit,
váccašit dahje vaikke čuoiggadit.
Álbmotmeahcis ii oaččo ludnet,
...vaikke ii gal gosge eará sajisge oaččo ludnet.

Lean viehka stuoris.....dahje unni...
...heh...das gitta, masa veardida.
Go čuočcun ealgga bálddas, dovddan iežan unnoražžan.
Go lean gotkka bálddas,
de orun leat dego jiehtanas!
Siedgamiestagiin letne viehka seammasturrosaččat.

Juoga stuorra mus lea,
go veardidan iežan vaikkoba olbmuide;
mus leat stuorra bealljit.



Daiguin gulan bures buot dehálaš áššiid, gulan smávva ja stuorrage duoddariid ja vuvddiid áššiid.

Ja beljiidan lea juoga earenoamáš.
Namalassii, jus lea garra šlápma,
vaikkoba biilla dahje muhtun mohtora šurra,
de mu bealljit duohpahuvvet unna

Danin jodašange álo jaskadit duoddaris dahje vuovddis.
Luonddus gánneha muđuige johtit jaskadit.
Dalle gullá buotlágan gelddolaš áššiid;
miellagiddevaš vuovddi ođđasiid ja dehálaš dieđuid.

Lean nappo Urho Kekkonen álbmotmeahci gufihhtar,
Ukselmaoivvi Elsa,
Gean vuovttat leat vehá duggon
ja daidda darvánit álkít jeahkálát, muoraid lasttat ja goahccit.
Seaibán lea roancelágan ja njálbmi dávjá mojis.

Elska

*Gufihttara stuorra ja unna áššiid merkii dása báhpárii Kristiina Aikio.
Jorgalus Pentti Pieski.*

Bargobihtá: stuorra ja unni

1. Mana šilljui ja veardit iežat eará sivdnádusaide. Mital ustibiiddát, leatgo stuoris vai unni? Go čuoččun bihcebážá / goahcci / beazi bálddas, dovddan iežan / unnin / stuorisin / seammá stuorisin.
2. Raba beljiid stuorisin, gidde čalmmiid ja guldal luonddu jienaid. Mital dahje sársgo, maid gulat?
3. Sársgo gova alla, juvves Ukselmaoivvi duoddaris, man čohkas Elsa-gufihhtar vákšu luonddu dáhpáhusaid.

